

志

署 鄧際




丁卯孟春

濟寧縣志

如皋鄧際昌署





濟寧縣志序

余篆濟時適潘潔泉封翁議修邑志時張筱雲觀察任濟寧道尹頗主張之余亦慫恿焉乃於辛酉歲之七月開局未一年余調他邑去越五年聞州縣兩志均告成已付印矣爲之色然喜竊以纂修志乘非易爲也有半塗而廢者有功虧一簣者卽濟志亦修之者屢矣每以財力蹶中止其難也可知今幸得潘封翁毅然力任不辭其勞而又得秉筆諸公朝斯夕斯以力存七十餘年來之文獻未始非此邦之厚幸也茲以賤名著於簡端而開局時又適躬逢其會爰書數語庸誌欽佩民國十五年冬仲合肥阮忠模季方序



濟寧縣志序

濟寧志乘自江蘇通州徐清惠公牧濟時重修後僅盧曉亭刺史續成四卷距今七十餘年矣辛酉歲潘潔泉封翁主修搜羅文獻不厭加詳爰議體例分州縣兩志州志自道光二十三年訖宣統三年爲濟寧直隸州續志別自民國紀元以後爲縣志畧四卷余以爲州志繼往之作也可以存古迹縣志開來之文也可以驗今茲州志固合一州三縣而紀載無遺矣余謂縣志疆域則按圖計里河渠依測繪立說鐵路爭執具載宏文方言補誌益詳土訓而於教育實業尤採訪迨徧與近世所謂物質文明之說相吻合是雖以略名而大旨已備後之君子能繼續爲之益以精密詳細之地方建築測量各圖則洵可與前志並傳矣

項葆楨慎初序

例言

一縣志仿直隸鹽山志例分爲疆域法制文獻故實四門每門分列各子目惟民國肇造距今甫十五年事實無多採訪又未能全備故名爲四略以俟後人拾遺而補闕焉

一疆域略之經界山川具詳前續兩志茲舉其要者書之其縣境圖及城廂圖係依南運湖河籌辦處原圖摹繪之

一法制略中所包甚廣其體例亦略有變更如建置食物防務爲舊志例所固有其教育實業交通自治宗教五門則新近所增

一南運湖河水利疏濬事宜籌辦處第一期報告內有關於水利田賦者俱錄載於篇又規畫山東南運農務公司條說事雖未成其法甚美亦備列之

一教育實業爲現今政令所最重故調查不厭其煩紀載務求其實惟學務於各校之沿革及歷年之成績尙付闕如仍俟博訪

一津鎮路線創議時濟寧本爲幹路自更名津浦而路線亦改遂不經由濟寧後經地方士紳派代表一再力爭始允准築建支路當時邑紳潘馨航復撰有爭路小誌首尾具備茲以其與路政有關且可爲將來之預備爰摘錄其要著於篇

一文獻略仍依舊例惟登進門文職武職採訪未備缺略良多

一列傳均據採訪冊登載間有采取家傳墓誌書之未增一溢美語

一列女仍用續志例以孝賢貞烈婦女冠於篇首次節婦而以壽婦綴於末

一故實略增宗祠方言二門以與風土有關因補錄之

一慈善事業縣境自民國以來整飭修理擴充不少其功德洵非淺鮮故一一詳爲登載

一星野五行大事向例列於卷首茲以無可附麗統歸入雜稽篇中

一縣志僅載民國事凡前志續志已經登載者概不再書以免重複

一縣志採訪襄校半藉諸君子之力如方言則纂自孫嵐初啟葆也商業

採訪則由袁子農文田也學務調查則解侍宸同煜解鑑銘肇助史子新性樸

也每卷成後爲之襄校訛誤者則孫炳三參照也其調取檔卷則朱潛

齋縣長名炤王鋤雲縣長家相之力尤多

一縣志編纂時僅半年且藉一手而成疏略遺漏在所不免匡正之責

是有望於當時之君子

Blank manuscript page with vertical columns.

濟寧縣志目錄

卷首

序

例言

目錄

濟寧縣境圖

濟寧城廂圖

卷一

疆域畧

經界篇

正名沿革

境至古蹟

山川篇

山阜開座

河渠橋梁

湖瀦

卷二

法制署

建置直屬

城池署局所
街巷祠廟
鄉集

食貨篇

鹽戶
引口
雜賦
捐稅
雜稅

教育篇

廟學畢業學生校名表

實業篇

商業
工業
農業
林業

交通篇

郵鐵
政路
電汽
話車
路
電
報

防務篇

巡警營
武裝警察
濟寧水上警察
地方巡警
湖維治安會

自治篇

縣議事會參事會
歷屆省議會議員
自治各機關董事會
歷屆衆議院議員

宗教篇

耶穌教
佛教
天道教
方教
天主教

卷三

文獻畧

職官篇

職官

登進篇

文職
武職

人物篇

列女傳
總傳

藝文篇

著述
詩錄
碑錄

卷四

故實畧

風土篇

風俗
宗祠
禮儀
祭田
義田
歲時
學田

方言篇

方言
諺言
格言

名勝篇

勝蹟
園林

慈善篇

粥廠
棲流所
慈善院
醫院
醫局
保節會
養濟院
義濟堂
育嬰堂

雜稽篇

五分野行

經緯度
大事

太陽出入時刻
祥瑞瑣記

日躔中星
志原

濟寧縣志卷之一

疆域畧

經界 山川

邑志爲地理學之一故於疆域山川加詳其他皆附麗焉然歷代以來爲軍爲州爲路迭有變更而轄境之分劃河流之水道有大異於昔者非一一紀之不足以識其分合區併之故且運河鐵路水陸會歸亦爲一方重鎮地方有故大軍每駐於此益以見任城舊邦至今猶雄跨他邑是不僅記道里辨疆索侈游覽搜遺蹟已也志疆域第一

經界篇

邑隸省之西南實爲要塞湖河環繞輪軌交通商務殷繁物產富有四方之人羣萃於此益以連年不靖人有戒心水旱頻仍民多憂患自新政頒行以後而鄉里半易名稱民國肇造以來而統轄不兼他

邑是又沿革之大凡也用弁諸首以志權輿儻亦關心土地者所視爲尤要者爾

濟寧以縣名自民國始其先非縣也

考先代有以任城亢父高平名縣者與今制不合詳沿革門

自名爲縣

則前此所轄之金鄉魚臺嘉祥各自爲縣不相統屬矣緣清代濟寧爲直隸州也其實直隸州之制與縣無異不過兼有刺史察吏之權與府同爲一級而直隸於布政司然一省或有州而屬於府或有州而領數縣制度雜糅不能一律此蓋因明之舊而未嘗改革耳民國肇造全國均以縣名雖各有道管轄而實則直隸於省此今之議者往往有兩級制之說也至濟寧之得名自元世祖至元八年改濟寧府始以其先五代時屬濟州耳其實南北二濟故道皆不在境內也然自元以來相沿未改於今亦六七百年矣茲濟寧以縣名其事實附於濟寧直隸州志